

Cordials salids a tuts

Objekttyp: **Preface**

Zeitschrift: **Il glogn : calender dil pievel : annalas per historia, litteratura e cultura romontscha**

Band (Jahr): **3 (1929)**

PDF erstellt am: **27.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Cordials salids a tuts,

cloma il „Glogn“, sco ina giuvna plonta, el vischinadi de pegns barbus, el grond uaul della schurnalistica e periodica romontscha, già per la tiarza gada a ses stimaì lecturs! — Humiliteivlamein en siu cor era sincers salids a ses nunencunaschents, ed a tuts quels als quals el fa uonn per l'emprema gada sia viseta.

Per la tiarza gada viseta il „Glogn“ tei, car lectur e strocla amicablamein tiu maun rubagliau, dalla greva lavur quotidiana. Duas gadas ha il pievel romontsch fatg veramein cordial beinvegni ad el. En varga 2000 casas romontschas ha el aunc mintg'onn obteniu il dretg d'honor denter ils cudischs della pintga biblioteca dil pur romontsch. Per la tiarza gada supplischeschel tei per albiert. Buca catscha giudora el rubiestiamein, sundern retscheiva puspei tiu amitg, ch'ei cargaus cun da tuttas sorts bunas caussas per tei: cun buns cussegls, cun lavurs nizeivlas ed instructivas e cun buna ed educativa litteratura, historia e belletristica per emperneivel divertiment e recreaziun.

Mirond anavos sin las annadas vergadas dil „Glogn“ empermettein nus e vegnin era a sespruar de far progress ed alzar nies calender. Nossa parola duei esser: Vinavon, adina meglier e meglier.

Nies calender, ch'ei patertgaus sco annalas per la historia, cultura e litteratura romontscha, per il cumin pievel de nossas vals romontschas, duei esser e daventar oz, el „temps dil daner“, sc'in'oasa refrestgentonta per in e scadin, che crei aunc ch'ei seigi auters factors e buca mo il daner, che fetschi salv e beaus. E quei fa veramein de basegns, perquei che tgei observein nus bunamein dapertut anavon leu'ora ella veta sociala e politica? La materia ei il factor che predominescha en tuttas circumstanzias e relaziuns. Il „daner“ il vut d'oraziun, il tutpussent che regia las caussas de quest mund, che regia buca mo las relaziuns exteriuras, mo bein era sez igl intern dil carstgaun. Silla speculaziun, sigl avantatg e gudogn material ei la generala activitad dirigida. L'acquisiziun delles necessarias facultads personalas, per seprogredir e s'avanzar en quella sfera ei la premura essenziala dil bab ell'educaziun dils affons. La consequenza ei che la giustia, il dretg daventan savens l'unfrenda dil tutpussent materialismus. Igl egoismus vegn gia tschitschus en ella innocenta

giuventetgna per sunter daventar il signur e patrun della activitad, dellas acziuns, gie dil pertratg sez de siu survient. Il privat pitescha, sper ina semiglionta sclaveria personala visavi siu vischin; la cuminonza, la societad visavi ses commembers, che vivan mo e sulet per lur sac!

Eis ei cheu buca motivs avunda, de delectar ed alzar nies car pievel ella ragisch aunc intacts, tier buns e pli aults principis? Il „Glogn“ vegn perquei oravontut a far attents ses lecturs, sin diversa moda e maniera, sil bi e bien e sil mender bien dil temps vargau, sco era sil temps present, cun sias bunas e meins bunas qualitäts.

Tier tut nies scriver ed operar vegnin nus mai a schar ord égl, pertgi nus scarvin. Cun in plaid nus vegnin a restar en tiara romontscha. Nossa patria meretta en tuts graus la pli grond'attenziun!

Redacziun ed Ediziun

